

Savage Brass a mara pisá

Indiscutiblemente e mihor cuerpo di drum



Den background nos por mira e bunitza di stage cu a wordo decorá pa Greta y Virgil Koolman.



Un bista riba e maestronan di Savage Brass na momento cu nan ta duna nan presentacion na Nanki Country Club.

Awor cu mas y mas nos ta scucha e Brassband nan di Aruba bo ta ripará cu algun ta subi den calidad y otro ta keda mescos, mientras cu algun ta hala rosea duru pa sigui sobreviví.

E aña aki Aruba a conocé un revolucion den e bandanan aki, cada un cu na propio estilo.

Savage Brass kende a keda fundá na 1993 y a percurá pa sacudí na nan manera e aña aki a cuminsá Carnaval cu un slow start pero awor a pega y hala mara pisá.

Durante nan presentacion na e eleccion di Coastal esnan presente por a confirmá

esaki y comprobá cu sin duda alguno Savage ta conta cu e maestronan riba drum.

Quizas den e brass section, otro por superá nan pero ta di duda den e zonido di drum.

Den un combersacion cu Izaira Mansur, nos por a comprobá cu e aña aki berdad Savage ta den un rust, esaki debí cu nan mes no a market e banda manera debe ser, pero asina mes no ta falta un dia cu e banda no ta ocupá.

"Nos a hire out varios di nos tocadornan, pero ya despues di carnaval nan tey bek, p'asina nos iniciá cu nos gira pa Hulanda, Belgica y

Alemania", Izaira ta relatá.

"Pa Carnaval nos ta all out den tur parada cu excepcion di Parada di San Nicolas"

Tambe durante Jouvert Morning Savage lo ta animando e parada pa despues baha pa parada grandi na Oranjestad.

Savage Brass cu un ritmo diferente no a cai despues di un aña exitoso, sino ta demostrá cu den Carnaval 40 mester tene cuenta cu e masternan aki.

Savage Brass pronto ta lansá su promé sorpresa pa e aña aki. Pabien. □